

REGLUGERÐ FRAMKVÆMDASTJÓRNARINNAR (EB) nr. 473/2006

2009/EES/37/29

frá 22. mars 2006

þar sem mælt er fyrir um framkvæmdarreglur um skrá Bandalagsins yfir flugrekendur sem er bannað að stunda flugrekstur innan Bandalagsins sem um getur í II. kafla reglugerðar Evrópuþingsins og ráðsins (EB) nr. 2111/2005 (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 2111/2005 frá 14. desember 2005 um að stofna skrá Bandalagsins yfir flugrekendur sem er bannað að stunda flugrekstur innan Bandalagsins og um að upplýsa flugfarþega um hvaða flugrekendur annast flutning og um niðurfellingu 9. gr. tilskipunar 2004/36/EB ⁽¹⁾, (hér á eftir nefnd „grunnreglugerðin“), einkum 8. gr.,

og að teknu tilliti til eftirfarandi:

- 1) Í II. kafla grunnreglugerðarinnar er mælt fyrir um verklagsreglur um að uppfæra skrá Bandalagsins yfir flugrekendur, sem er bannað að stunda flugrekstur innan Bandalagsins, svo og verklagsreglur sem gera aðildarríkjunum kleift, við tilteknar aðstæður, að samþykkja sérstakar ráðstafanir til að setja á rekstrarbann á yfirráðasvæði sínu.
- 2) Rétt er að samþykkja tilteknar framkvæmdaráðstafanir til að kveða á um ítarlegar reglur að því er varðar þessar verklagsreglur.
- 3) Einkum er rétt að tilgreina upplýsingarnar, sem aðildarríkjunum ber að leggja fram þegar þau óska eftir því við framkvæmdastjórnina að hún samþykki ákvörðun skv. 2. mgr. 4. gr. grunnreglugerðarinnar, um að uppfæra skrá Bandalagsins með því að setja nýtt flugrekstrarbann, aflétta núverandi banni eða breyta skilyrðum sem tengjast því.
- 4) Nauðsynlegt er að mæla fyrir um skilyrði um nýtingu varnarréttar flugrekenda með fyrirvara um ákvarðanir sem framkvæmdastjórnin samþykkir til þess að uppfæra skrá Bandalagsins.
- 5) Í tengslum við uppfærslu skrárinnar er í grunnreglugerðinni kveðið á um að framkvæmdastjórnin taki tilhlýðilegt tillit til þess að þörf sé á skjótum ákvörðunum og, eftir því sem við á, kveði á um verklagsreglur ef brýnt þykir.

6) Framkvæmdastjórnin skal fá fullnægjandi upplýsingar um hvers konar flugrekstrarbann sem aðildarríkin setja á sem sérstakar ráðstafanir skv. 1. og 2. mgr. 6. gr. grunnreglugerðarinnar.

7) Ráðstafanirnar, sem kveðið er á um í þessari reglugerð, eru í samræmi við álit flugöryggisnefndarinnar ⁽²⁾.

SAMÞYKKT REGLUGERÐ ÞESSA:

1. gr.

Viðfangsefni

Í þessari reglugerð eru settar nákvæmar reglur að því er varðar málsmeðferðina sem um getur í II. kafla grunnreglugerðarinnar.

2. gr.

Beiðni aðildarríkja um að uppfæra skrá Bandalagsins

1. Aðildarríki, sem óskar eftir því við framkvæmdastjórnina að hún uppfæri skrá Bandalagsins í samræmi við 2. mgr. 4. gr. grunnreglugerðarinnar, skal láta framkvæmdastjórninni í té upplýsingarnar sem tilgreindar eru í viðauka A við þessa reglugerð.

2. Senda skal beiðnirnar, sem um getur í 1. mgr., skriflega til aðalskrifstofu framkvæmdastjórnarinnar. Þar að auki skal einnig senda upplýsingarnar, sem um getur í viðauka A, samtímis með rafrænum hætti til þar til bærrar þjónustu á aðalskrifstofu framkvæmdastjórnarinnar fyrir orku- og samgöngumál. Ef engin viðeigandi rafræn sendingaraðferð er fyrir hendi skal láta þessar sömu upplýsingar í té með öðrum hætti og eins hratt og unnt er.

3. Framkvæmdastjórnin skal tilkynna hinum aðildarríkjunum þetta fyrir milligöngu fulltrúa þeirra í flugöryggisnefndinni í samræmi við málsmeðferðina, sem kveðið er á um í innri reglum nefndarinnar, svo og Flugöryggisstofnun Evrópu.

(*) Þessi EB-gerð birtist í Stjtið. ESB L 84, 23.3.2006, bls. 8. Hennar var getið í ákvörðun sameiginlegu EES-nefndarinnar nr. 145/2007 frá 26. október 2007 um breytingu á XIII. viðauka (Flutningastarfsemi) við EES-samninginn, sjá EES-viðbætur við Stjórnartíðindi Evrópusambandsins nr. 19, 10.4.2008, bls. 88.

(1) Stjtið. ESB L 344, 27.12.2005, bls. 15.

(2) Komið á fót skv. 12. gr. reglugerðar ráðsins (EB) nr. 3922/91 frá 16. desember 1991 um samræmingu á tækniröfum og stjórnsýslumeðferð á sviði flugmála, að framförum á sviði vísinda og tækni (Stjtið. EB L 373, 31.12.1991, bls. 4).

3. gr.

Sameiginlegt samráð við yfirvöld sem bera ábyrgð á lögboðnu eftirliti með viðkomandi flugrekanda

1. Aðildarríki, sem hyggst leggja beiðni fyrir framkvæmdastjórnina skv. 2. mgr. 4. gr. grunnreglugerðarinnar, skal hvetja framkvæmdastjórnina og hin aðildarríkin til að taka þátt í hvers kyns samráði við yfirvöldin sem bera ábyrgð á lögboðnu eftirliti með viðkomandi flugrekanda.

2. Áður en ákvarðanir, sem um getur í 2. mgr. 4. og 5. gr. grunnreglugerðarinnar eru samþykktar, skal, þegar það er viðeigandi og raunhæft, haft samráð við yfirvöldin sem bera ábyrgð á lögboðnu eftirliti með viðkomandi flugrekanda. Framkvæmdastjórnin og aðildarríkin skulu ætíð, ef því verður við komið, hafa sameiginlegt samráð.

3. Ef brýna þörf ber til, má einnig hafa sameiginlegt samráð eftir að þær ákvarðanir, sem um getur í 2. mgr., hafa verið samþykktar. Í því tilviki skal tilkynna viðeigandi yfirvaldi um að ákvörðun verði brátt samþykkt skv. 2. mgr. 4. gr. eða 1. mgr. 5. gr.

4. Heimilt er að hafa sameiginlegt samráð með bréfaskriftum og meðan á vettvangsheimsóknnum stendur til að gera kleift að safna gögnum, eftir því sem við á.

4. gr.

Beiting varnarréttar flugrekanda

1. Þegar framkvæmdastjórnin íhugar hvort samþykkja eigi aðgerðir skv. 2. mgr. 4. eða 5. gr. grunnreglugerðarinnar, skal hún greina viðkomandi flugrekanda frá mikilvægum staðreyndum og forsendum sem slík ákvörðun byggist á. Viðkomandi flugrekandi skal fá frest í 10 virka daga frá afhendingu upplýsinganna til að leggja skriflegar athugasemdir fyrir framkvæmdastjórnina.

2. Framkvæmdastjórnin skal tilkynna hinum aðildarríkjunum þetta fyrir milligöngu fulltrúa þeirra í flugöryggisnefndinni í samræmi við málsmeðferðina sem mælt er fyrir um í innri reglum framkvæmdastjórnarinnar. Ef flugrekandinn fer fram á það skal honum heimilt að gera grein fyrir afstöðu sinni munnlega áður en endanleg ákvörðun verður tekin. Þar sem við á, skal koma munnlegum athugasemdum á framfæri við flugöryggisnefndina. Meðan á áheyrn stendur getur flugrekandinn notið aðstoðar yfirvaldanna sem hafa með höndum lögboðið eftirlit með honum.

3. Ef um neyðartilvik er að ræða er framkvæmdastjórninni ekki skylt að fara að ákvæðum 1. mgr. áður en bráðabrigðaráðstafanir eru samþykktar í samræmi við 1. mgr. 5. gr. grunnreglugerðarinnar.

4. Þegar framkvæmdastjórnin samþykkir ákvörðun skv. 2. mgr. 4. gr. eða 5. gr. grunnreglugerðarinnar, skal hún þegar í stað tilkynna það flugrekandanum og yfirvöldunum sem hafa með höndum lögboðið eftirlit með viðkomandi flugrekanda.

5. gr.

Framfylgd

Aðildarríkin skulu tilkynna framkvæmdastjórninni um allar ráðstafanir, sem gripið er til, til að hrinda í framkvæmd ákvörðunum framkvæmdastjórnarinnar skv. 2. mgr. 4. gr. eða 5. gr. grunnreglugerðarinnar.

6. gr.

Sérstakar ráðstafanir sem aðildarríki samþykkir

1. Þegar aðildarríki hefur tafarlaust sett flugrekstrarbann á flugrekanda á yfirráðasvæði sínu, eins og heimilt er skv. 1. mgr. 6. gr. grunnreglugerðarinnar, skal aðildarríkið tafarlaust tilkynna framkvæmdastjórninni um það og senda upplýsingarnar sem um getur í viðauka B.

2. Þegar aðildarríki hefur viðhaft eða tafarlaust sett flugrekstrarbann á flugrekanda á yfirráðasvæði sínu, eins og heimilt er skv. 2. mgr. 6. gr. grunnreglugerðarinnar, skal aðildarríkið tafarlaust tilkynna framkvæmdastjórninni um það og senda upplýsingarnar sem um getur í viðauka C.

3. Senda skal upplýsingarnar, sem um getur í 1. og 2. mgr., skriflega til aðalskrifstofu framkvæmdastjórnarinnar. Þar að auki skal einnig senda upplýsingarnar, sem um getur í viðauka B eða C, samtímis með rafrænum hætti til þar til bærrar þjónustu aðalskrifstofu framkvæmdastjórnarinnar fyrir orku- og samgöngumál. Ef engin viðeigandi rafræn sendingaraðferð er fyrir hendi skal láta þessar sömu upplýsingar í té með öðrum hætti og eins hratt og unnt er.

4. Framkvæmdastjórnin skal tilkynna hinum aðildarríkjunum þetta, fyrir milligöngu fulltrúa þeirra í flugöryggisnefndinni, í samræmi við málsmeðferðina sem mælt er fyrir um í innri reglum nefndarinnar.

7. gr.

Gildistaka

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. mars 2006.

Fyrir hönd framkvæmdastjórnarinnar,

Jacques BARROT

Varaforseti.

VIÐAUKA

Upplýsingar sem aðildarríki, sem leggur fram beiðni skv. 2. mgr. 4. gr. grunnreglugerðarinnar, ber að láta í té

Aðildarríki, sem óskar eftir uppfærslu á skrá Bandalagsins skv. 2. mgr. 4. gr. grunnreglugerðarinnar, skal veita framkvæmdastjórninni eftirfarandi upplýsingar:

Aðildarríki sem leggur fram beiðnina

- Nafn og staða opinbers tengiliðar.
- Tölvupóstfang eða símanúmer opinbers tengiliðar.

Flugrekandi eða flugrekendur og loftfar

- Viðkomandi flugrekandi eða flugrekendur, þ.m.t. nafn lögaðila (tilgreint á flugrekandaskírteini eða ígildi þess), nafn fyrirtækis (ef annað), númer flugrekandaskírteinis (ef það er fyrir hendi), ICAO-kóði flugrekanda (ef hann er þekktur) og allar upplýsingar um tengiliði.
- Nafn eða nöfn og allar upplýsingar um tengiliði yfirvalds eða yfirvalda sem hafa með höndum lögboðið eftirlit með viðkomandi flugrekanda eða flugrekendum.
- Upplýsingar um tegund eða tegundir loftfars, skráningarríki, skráningarnúmer og, ef þau eru fyrir hendi, framleiðslunúmer viðkomandi loftfars.

Ákvörðun sem farið er fram á

- Gerð ákvörðunar sem farið er fram á: setja á flugrekstrarbann, aflétta flugrekstrarbanni eða breyta skilyrðum flugrekstrarbanns.
- Gildissvið ákvörðunar sem farið er fram á (sérstakur flugrekandi eða flugrekendur eða allir flugrekendur, sem heyra undir tiltekið eftirlitsyfirlit, tiltekið loftfar eða tegund eða tegundir loftfara).

Beiðni um að setja á rekstrarbann

- Nákvæm lýsing á öryggisvanda (t.d. niðurstöður skoðana) sem leiddi til þess að farið var fram á bann, algert eða að hluta (sem tengist, í rétttri röð, sérhverri af viðeigandi, sameiginlegu viðmiðunum í viðaukanum við grunnreglugerðina).
- Viðtæk lýsing á skilyrði eða skilyrðum, sem mælt er með að verði uppfyllt til að unnt sé að fella fyrirhugað bann úr gildi eða veita undanþágu frá því, skal lögð til grundvallar við undirbúning áætlunar um aðgerðir til úrbóta í samráði við yfirvald eða yfirvöld sem hafa með höndum lögboðið eftirlit með viðkomandi flugrekanda eða flugrekendum.

Beiðni um að aflétta flugrekstrarbanni eða um að breyta skilyrðum sem tengjast því

- Dagsetning og upplýsingar um samþykka áætlun um aðgerðir til úrbóta, ef við á.
- Sannanir fyrir því að farið sé að samþykka áætlun um aðgerðir til úrbóta, ef við á.
- Sérstök, skrifleg áritun yfirvalds eða yfirvalda sem hafa með höndum lögboðið eftirlit með því að viðkomandi flugrekandi eða flugrekendur hrindi áætluninni um aðgerðir til úrbóta í framkvæmd.

Kynning

- Upplýsingar um það hvort aðildarríkin hafi birt beiðni sína opinberlega.

VIÐAUKI B

Tilkynning aðildarríkis um beitingu sérstakra ráðstafana, skv. 1. mgr. 6. gr. grunnreglugerðarinnar, til að setja á flugrekstrarbann á yfirráðasvæði sínu

Aðildarríki sem greinir frá því að sett hafi verið flugrekstrarbann á flugrekanda á yfirráðasvæði sínu, í samræmi við 1. mgr. 6. gr. grunnreglugerðarinnar, skal veita framkvæmdastjórninni eftirfarandi upplýsingar:

Aðildarríki sem tilkynnir upplýsingarnar

- Nafn og staða opinbers tengiliðar.
- Tölvupóstfang eða símanúmer opinbers tengiliðar.

Flugrekandi eða flugrekendur og loftfar

- Viðkomandi flugrekandi eða flugrekendur, þ.m.t. nafn lögaðila (tilgreint á flugrekandaskirteini eða ígildi þess), nafn fyrirtækis (ef annað), númer flugrekandaskirteinis (ef það er fyrir hendi), ICAO-kóði flugrekanda (ef hann er þekktur) og allar upplýsingar um tengiliði.
- Nafn eða nöfn og allar upplýsingar um tengiliði yfirvalds eða yfirvalda sem hafa með höndum lögboðið eftirlit með viðkomandi flugrekanda eða flugrekendum.
- Upplýsingar um tegund eða tegundir loftfars, skráningarríki, skráningarnúmer og, ef þau eru fyrir hendi, framleiðsluráðnúmer viðkomandi loftfars.

Ákvörðun

- Dagsetning, tímasetning og gildistími ákvörðunarinnar.
- Lýsing á ákvörðun um að synja, fella tímabundið niður, afturkalla, eða setja takmarkanir á flugrekstrarleyfi eða tæknileyfi.
- Gildissvið ákvörðunar (sérstakur flugrekandi eða flugrekendur eða allir flugrekendur sem heyra undir ákveðið eftirlitsyfirvald, sérstakt loftfar eða tegund eða tegundir loftfars).
- Lýsing á skilyrði eða skilyrðum, sem á að uppfylla, til að unnt sé að fella úr gildi eða veita undanþágu frá synjun, tímabundinni niðurfellingu, afturköllum eða takmörkunum á flugrekstrarleyfi eða tæknileyfi af hálfu aðildarríkis.
- Öryggisvandi
- Nákvæm lýsing á öryggisvanda (t.d. niðurstöður skoðana) sem leiddi til þess að farið var fram á bann, algert eða að hluta, (sem tengist, í rétttri röð, sérhverri af sameiginlegu viðmiðunum í viðaukanum við grunnreglugerðina).

Kynning

- Upplýsingar um það hvort aðildarríkin hafi birt bann sitt opinberlega.

VIÐAUKI C

Tilkynning aðildarríkis um beitingu sérstakra ráðstafana, sem gripið er til skv. 2. mgr. 6. gr. grunnreglugerðarinnar, til að setja eða viðhalda flugrekstrarbanni á yfirráðasvæði sínu þegar framkvæmdastjórnin hefur ákveðið að færa ekki samsvarandi ráðstafanir í skrá Bandalagsins

Aðildarríki, sem greinir frá því að sett hafi verið flugrekstrarbann á flugrekanda eða því viðhaldið á yfirráðasvæði sínu í samræmi við 2. mgr. 6. gr. grunnreglugerðarinnar, skal veita framkvæmdastjórninni eftirfarandi upplýsingar:

Aðildarríki sem tilkynnir upplýsingarnar

- Nafn og staða opinbers tengiliðar.
- Tölvupóstfang eða símanúmer opinbers tengiliðar.

Flugrekandi eða flugrekendur og loftfar

- Viðkomandi flugrekandi eða flugrekendur, þ.m.t. nafn lögaðila (tilgreint á flugrekandaskírteini eða ígildi þess), nafn fyrirtækis (ef annað), númer flugrekandaskírteinis (ef það er fyrir hendi), ICAO-kóði flugrekanda (ef hann er þekktur).

Tilvísun til ákvörðunar framkvæmdastjórnarinnar

- dagsetning á viðeigandi skjölum framkvæmdastjórnarinnar og tilvísun til þeirra,
- dagsetning ákvörðunar framkvæmdastjórnarinnar/flugöryggisnefndar.

Öryggisvandi sem sérstaklega varðar aðildarríkið
